

Klub vijećnika SDP BiH I Vijećnik/ca: Armin Handžar

Sjednica: 8. redovna sjednica OV Novo Sarajevo (27.09.2021.godine)

Služba/e: Služba za investicije i zaštitu okoliša ; Služba za poslove Općinskog vijeća i lokalnu samoupravu

Inicijativa za Interresornu radnu grupu za izradu Zakona o komunalnoj policiji KS

Pozdravljamo odluku Vlade Kantona Sarajevo o pokretanju procesa formiranja komunalne policije. U namjeri da već u početnoj fazi izrade Zakona doprinesemo s obzirom na svoja saznanja iz komunikacije sa građanima predlažemo:

Da se posebnim članovima Zakona o komunalnoj policiji KS uredi oblast kontrole privrednih subjekata i drugih pravnih lica koja imaju jasno određene obaveze u smislu kupovine posuda za otpad, pravilnog odlaganja otpada i druge obaveze.

S obzirom na činjenicu da redarske komunalne službe u kantonalnim javnim komunalnim preduzećima RAD i PARK postoje duže od 20 godina i cijeneći da imaju iskusne radnike iniciramo da u određenoj fazi izrade Zakona o komunalnoj policiji KS organizujete posebne konsultacije Interresorne radne grupe za izradu Zakona i zainteresovanih komunalnih redara iz spomenute dvije firme, kao specifičnu vrstu javne rasprave o nacrtu Zakona. Također, smatramo da je logično da će buduću komunalnu policiju značajno ljudski kapacitirati upravo dosadašnji komunalni redari, te da se niti na kakav način neće ugroziti njihova radna mjesta ili bilo koje od dosad dostignutih radničkih prava.

Obrazloženje:

Insistiramo da se u novom Zakonu jasno definira da će poseban fokus djelovanja komunalne policije biti prije svega u nadzoru nad privrednim subjektima koji često kršeći zakon uništavaju našu okolinu. Nadzor nad prekršajima koji neodgovorni građani zagađujući okolinu svakako je bitan i mora biti važan dio ovog zakona, ali ne smije se upasti u zamku da kažnjavamo građane, a da nam promaknu pravna lica koja su češći krivci za divlje deponije. Pozivamo vas da u tom smislu konsultujete opštinske službe zadužene za izdavanje upotrebničkih dozvola za novoizgrađene objekte kolektivnog stanovanja ili pak one koje su zaduženje za izdavanje odobrenja za rad privrednim objektima – sa upitom o stanju u oblasti ispunjavanja obaveza tih subjekata u vezi sa komunalnom higijenom. Također, uvođenjem komunalne policije ne smiju se ni na koji način ugroziti radnici koji danas u KJKP RAD i KJKP Park rade kao redari, njih ukupno 48. Načelo zaštite radnika mora se čuvati i insistiramo da novi Zakon ponudi rješenje u kom će ovi radnici biti važan dio mehanizma borbe protiv zagađenja okoline, da njihova radna prava ne smiju biti ugrožena i da im se omoguće efikasniji mehanizmi borbe protiv zagađenja i uništavanja okoline. Zagađenje zraka kao najveći sarajevski ekološki problem mora biti tretirano u ovom procesu i važno je pronaći zakonske načine da se komunalna policija ovlasti da kontroliše i kažnjava ložišta i kotlovnice koji nemaju adekvatne filtere, kao i da kontroliše upotrebu nedozvoljenih i prljavih goriva, ako i automobile bez propisanih prečišćivača

Potpis vijećnika/ce